

Qamutit motorillit innaallagissamik brintimillu taamaallat ingerlatillit eqqunneqarneranni akitsuummik, qamutit motorillit akileraarutaannik akiliinngikkallarnissamik Inatsisartut inatsisaata allangortinneqarneranik Inatsisartut inatsisissaatut siunnersuut.

Saqqummiussinermi ilisimatitsissut

(Aningaasaqarnermut Nunamullu Namminermt Naalakkersuisoq)

Siullermeerlugu oqaluuserineqarnera

Naalakkersuisut sinnerlugit qamutit motorillit innaallagissamik brintimillu taamaallat ingerlatillit eqqunneqarneranni, qamutit motorillit akileraarutaannik akiliinngikkallarnissamik Inatsisartut inatsisaata allangortinnissaanut Inatsisartut inatsisissaatut siunnersuut saqqummiutissavara.

Siunnersuutigineqarpoq, qamutit motorillit innaallagissamik brintimillu taamaallat ingerlatillit eqqunneqarneranni akitsuummik, akileraarutaannillu akiliinngikkallarnissaq, 1. januar 2018-ip tunngaanut sivitsorneqassasoq.

Akitsuummik akileraarummillu akiliinngikkallarnissamik maannakkut 1. januar 2014-ip tunngaanut atuuttumik sivitsuineq, Kalaallit Nunaanni CO2-mik aniatitsinerup millisinneqarnissaanik Naalakkersuisut kissaateqarneranut attuumassuteqarpoq.

Ikummatissaanngitsumik ingerlateqarneqarneq eqqumaafiqineqara ineriartortinneqarneralu annertu-siartuinnartumik soqutigineqariartorpoq, qamutillu motorillit innaallagissamik ingerlatillit, qamutit motorillinnut nalinnaasunut Nuummi taasiunnissaat ullumikkut periarfissaavoq.

Akiliinngikkallarnissamik aaqqissuussineq maannakkut atuuttoq sivittorneqanngippat, qamutit motorillit innaallagissamik brintimillu ingerlatillit, qamutit motorillit ikummatissanik ingerlatilinnik unammillersinnaanerit killilerneqassavoq, qamutillu motorillit ikummatissanik ingerlateqanngitsut siaruaattinneqarniarnerat ajornakusoortilissallugu.

Inatsisissatut siunnersuut tassumalu oqaaseqaatitai innersuutigissavakka.

Taamatut oqaaseqarlunga Naalakkersuisut sinnerlugit inatsisissatut siunnersuut Inatsisartunit Aningaasaqarnermut- Akileraaruteqarnermullu ataatsimiisitaliami tulliliussatut suliassanngorlugu, aappaasaaneerneqarnissaanullu tunniuppara